

# -Upachara purba rasmikan pertabalan

[POH, Rabu. — Kaum kerabat di-Raja dan wakil2 rasmi daripada beberapa negara Malaysia akan menghadiri upachara pertabalan Sultan Perak.

Upachara itu akan dimulakan pada hari Thalhata, (22 Oktober) dengan tembakan meriam 17 das.

Segala upachara yang berhubung dengan pertabalan itu — kali pertama diadakan semenjak penubuhan Malaysia — akan diadakan dalam istana Iskandariah di-Kuala Kangsar.

Istana itu telah diperbaharui dengan belanja kira2 \$200,000.

Kuala Kangsar, tempat Sultan bersemayam, akan di-banjiri oleh para belawat daripada seluruh negeri sa-lama sa-minggu itu.

Beberapa jawatankuasa kecil telah di-lantek untuk mengator butir2 perayaan itu.

B. H.

## Pertabalan

Walau pun upachara dimulakan pada hari Thalhata, tetapi pertabalan Sultan menurut adat isti'adat purbakala akan dimulakan pada hari Sabtu, 26 October (hari kelepasan di-Perak) dengan pertabalan Raja Perempuan esok-nya.

Upachara itu akan berakhir pada hari Ithnin, 28 October, dengan do'a selamat, upachara mandi dalam tujuh balai dan tepong tawar pada Sultan dan Raja Perempuan serta tembakan meriam 21 das.

Dua hari kemudian, pada hari Rabu, 30 October, Sultan dan Raja Perempuan akan belayar mudak Sungai Perak dengan kapal Chem-paka Seri dengan iringan 21 perahu lain untuk menziarahi makam2 dato nenek-nya.